

洞淵集卷之三四同

和二

沖妙先生李思聰集

廣桑山者天之東嶽也在東海之中為五嶽發生之首上有碧霞之闕瓊樹鸞林紫雀翠鸞碧藕白橘莫可名狀即青帝天君靈威仰統仙官萬眾鎮此山上主歲星之精居九炁青天之內矣

長嶺山者天之南嶽也在南海之中上有朱官絳闕赤室丹房朱草虹芝霞膏金醴莫可名狀應天下初得道神仙皆詣此宮瑩形浴質消陰鍊陽長生久視之道即赤帝天君赤標弩統仙官萬眾鎮此山主熒熒之精居三炁丹天之內矣

麗農山者即天之西嶽也在西海之中上有白華之闕三素之城王泉之官瑤林麟鳳莫可名狀即白帝天君白招矩統仙官萬眾鎮此山主太白之精居七炁素天之內矣
廣野山者天之北嶽也在北海弱水之中形如崑崙與酈都羅山合為陰炁之主上多瓊樓寶闕金醴靈芝莫可名狀即黑帝天君叶

光紀統仙官萬眾鎮此山主辰星之精居五炁玄天之內矣

崑崙山者天之中嶽也在八海之中上當天心形如偃蓋上廣下狹三成而上與天文齊萬度之心日月黃赤二道交會其上三光行焉東曰崑崙西曰玄圃北曰閼風南連積石

大岩水泉壯戶四山四面各一萬里上有瓊華之闕光碧之堂瑤林翠水西王母統眾真居焉海中四嶽為枝幹十洲三島八海大川圍繞其側絕頂之上有金臺五所玉樓十二金城千里地生金根之林瓊柯之林紫鵲翠鸞碧桃紫柰百寶裝嚴莫可紀述即黃帝天君含樞紐統仙官萬眾鎮此山主洞府與中國五嶽名山相通神仙往來考校生籍上主鎮星之精居中央一炁天中焉其海外五山

即天地之五鎮造化之五嶽五炁之祖宗矣蓬萊山在東海中高一千里地方三千里上有金臺玉闕是神仙之都太帝仙卿遊息之地海水正黑色而謂之溟渤無風而洪波百丈不可往來唯飛仙能到此矣

扶桑山在東海中地方萬里去中國九十萬里即太真丈人青童君所治山多林木皆桑長者數千丈大者二千圍林兩相扶倚同根而生故曰扶桑榘子甘香赤色千歲一生其實仙人採榘食之體生金光飛翔太空桑上有金鳳九色鳥一鳴即天下群雞應之日即曉矣

方丈山在大海之中高四萬七千丈上有太元之宮即三天司命眾真所居上有玉漿金醴飲之長生瑞禽奇木莫可名狀又別有九源大人宮府主領天下水神蛟龍巨鯨水族之類

滄浪山在大海中山高五百里地方三千五百里四面水皆蒼色也仙人謂之滄浪山上多石桂石芝中有紫玉石室即九老仙都君統領仙官吏兵數萬人同理此山焉

瀛洲在東海中也地方四千里去岸七十萬里正對會稽上有青丘翠水二山真宮瓊室萬所地生玉酒飲之長生又產昆吾之鐵鍊之為刀切玉如泥神芝靈草皆異陵巖莫可

紀述即上真神仙居焉

祖洲在東海中地方一萬里去岸七萬里地生不死瓊田芝草又名養神芝其狀如瓜苗可長數天人死以草蓋面即活秦始皇曾獲此草遣使問址郭鬼谷先生試果驗遣徐福

字君房將童男女各五百齋金帛駕舟入海尋祖洲求草遂不反始皇甚悵然上有仙家

萬眾上真居此洲莫可紀述
聚窟洲在西海中地方三千里去岸二十四萬里上有大山形似人鳥之象因名人鳥山

中有洞玄之宮出返魂香株狀如桐花香聞數百里鍊液為香一曰驚精香二曰震靈香

三曰返生香四曰震檀香五曰鳳精香六曰却死香凡此六名實神仙之異物也人死聞香即活皆仙宮洞府上真居焉至漢之時通

于中國矣

炎洲在南海中地方二千里去岸九萬里洲四面數千里地蒸炎巨天飛鳥高空而不敢

度海水四面為之沸騰上有火山鼠毛長數尺仙人採毛為布名曰火浣布凡為衣以水

洗之終不瑩潔用火焚之其白如雪又產風生獸青色如狸積新燒之其毛如故其獸死觸風乃活上有太山流火之宮仙家萬眾皆上真列仙所治至漢時曾通中國矣

鳳麟洲在西海中地方一千五百里四面有弱水禽毛不浮上多麟鳳因為名出返魂香續絃膠仙人煮鳳喙鱗角合煮作膠青色如碧玉一名連金泥此神異物也上有青華之宮素丹林府皆神仙上真居焉世人不可到此矣

玄洲在北海中地方二千二百里去岸三萬六千里地多山丘有風山聲響如雷正對天門上有玄都府仙伯真人所治地生金玉紫芝無風而洪波百丈唯飛仙往來世人莫到矣

流洲在西海中地方三千里去岸九十萬里

上有飛霞之山神仙往來奇花異果瑞草靈芝莫可名狀仙府之中皆上真靈宮居焉

長洲在南海中地方五千里去岸二十萬里

上有真都之山一名青丘地生甘液玉英紫

瓊宮府天真女仙居焉世人不可到矣

元洲在北海中地方三千里去岸十萬里上

有紫虛王館神仙所居地生靈藥神芝玄澗之中甘醴如蜜飲之長生上真靈官所治焉

生洲在東海中地方二千五百里去岸二十萬里相接蓬萊山上多神草靈芝服之飛仙上有仙家萬眾皆高逸神仙所治此焉

洞淵集卷之三

三萬里相接蓬萊山上多神草靈芝服之飛仙上有仙家萬眾皆高逸神仙所治此焉